



UKA 2018/133
23. oktober 2018
Aqqaluk Heilmann

Suliffeqarfissuit immikkoortortallit, suliffeqarfissuarni piginnittut aalajangersimasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat nalilersoqqissaaqqullugit inernalu UKA2019-imi agguateqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut (“Transfer-pricing”). Matumani siunertarineqarpoq akileraartarnikkut pilersarutipalaalersorsinnaanerit pinngitsoortinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqqineqarnissaat.

(Inatsisartunut ilaasortaq Henrik Fleischer, Siumut)

Ulloq 11. oktober siunnersuut immikkoortoq 191 eqqartorneqarpoq: Akissarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, ulloq xx.xxx 2018-imeersoq (Aningaasaqarnermut Naalackersuisoq)

Tassani siunnersuummi tassani Kalaallit Nunaanni isertitat pilersinneqartut, akileraaruserneqartarnissaat Naalackersuisut pingaarnertut kissaatigaat.

Naalackersuisumit saqqummiunneqartut ilagivaat § 36 b-mi nakkutigisaasumik aningaasanik nuussisarnerup uppersaasiornissaa pillugu maleruaqqusat sukateriffigineqarnissaat.

Tamavitta anguniagaraarput nunap pisuussutai uumassusillit uumaatsullu atorluarneqarnissaat, tassungalu ilanngullugu annertunerpaamik inuussutissarsiuteqartunut nunatsinnullu iluaqutaanerpaaffissaannut inissisimanissaat.

Taamaattumik Transfer pricing inatsitigut pisussaaffiliippat tamanna nunatta karsiata annertuumik iluaqutigissagaa qularutiginnilarput, immikkullu sammineqarnissaa suliarineqarnissaa piumasarivarput, nunatta aningaasaqarneranut iluaqutissaammat annertoq.

Ullumikkut killiffitsinni pisuussutigut annissorneqartartut soorlu aalisakkat iluanaarutissartaat anginerusoq ujjartortuarparput, aningaasartaasalu nalitunerusunngortinneqarsinnaanerit.

Atassummiit isumaqarpugut ”Transfer pricing” inatsisiliornikkut atuutilerninneqassappat namminersortunit qanoq kinguneqarsinnaanera ilanngullugu nalilersortariaqarpoq, aningaasarsiortunut illuatungeriinnut tamanut pitsaasumik inissinneqartariaqarami imminut akilersinnaasumik.

Tassa tunisassiat avammut annissukkat pillugit nunatta aningaasatigut iluanaarniapiluffigineqannginnissaa qulakkeerniarlugu, nunatsinnullu aningaasat tuttussat



annertunerusut pillugit inatsisitigut pisussaaffiliinissami pingaaruteqarpoq aamma nunatsinni aalisartut atungarisaat ilanngullugit iluarsissallutigit.

Siunnersuut tamakkiisumik akueraarput, ataatsimiititaliamut ingerlateqqittussanngorlugu innersupparput.